

Walitti dhufeenya keessatti dogongora barsiistoonni gariin hojjatan-Kutaa 1

Description

Kutaalee darban keessatti sababootaa erga fooyyaâ€™anii booda duubatti nama deebisan ilaalle jirra. Harâ€™as itti fufuun sababa saglaffaa ni ilaalla. Innis Walitti dhufeenya keessatti dogongora barsiistoonni ykn haadha abbaan raawwataniidha. Sababa dogongora kanaatiin ijooleen ykn dargaaggoonni rifachuun gara duubatti deebiâ€™uu.

Nama sirrii bakka maluu kaaâ€™uun hojji garmalee barbaachisaa baruu fi barsiisuuti. Kanaafi, dirqamni daarektara mana barnoota irra jiru gocha tokko nama gocha kanaaf malutti qofa kennuu qaba. Akkuma kanaa, imaama masjiida irra dirqamni jiru Qurâ€™aana barsiisuu nama isaaf maluutti malee kennu hin qabu.

Sababni isaas, namoonni gariin wanta gubbaa calanqisuun gowwoomu. Dhimmoota dhokatoo garmalee barbaachisoo taâ€™anitti xiyyefannoo hin kennan. Kan akka fakkeenya gaarii, qomni balâ€™achuu, namoota isaan jala jiran waliin akka wali galaniin beeku, baayâ€™inna beekumsaa, waa hordofuu fi hubachuu, jarjaruu dhabuu, umrii isaa madaallamaa taâ€™uu, namuummaa cimaa qabaachu, waqtii kan eegu taâ€™uu fi ulaagaalee biroo asitti hin kaasnedha. Ulaagaaleen kunniin garmaalee barbaachisoodha. Yeroma ulaagaaleen kanniin keessaa tokko dhabamu, daâ€™awaa keessatti hulaa uuma. Barsiisaan dogongoruu dandaâ€™a. buâ€™aan kanaa barattoonni sokkuu fi Islaama hordofuu dhiisu dandaâ€™u.

Dogongora barsiistootaa irraa fakkeenya

***Nama sirrii bakka maluu kaaâ€™uu dhiisu** Akkuma beekkamu hojiin kamiyyuu sirna hawaasummaa, qaroominnaa fi kanneen biroo qaba. Barsiisaan guddinna umrii ykn barnootaan olâ€™aanaa taâ€™uu ykn kanneen biroo safartuu isaa tokkicha gochuu hin qabu. Dargaggeessi barnoota isaatiin olâ€™aanaa taâ€™uu dandaâ€™a, garuu namoota waliin hojjachuu kan hin dandeenye taâ€™uu dandaâ€™a. ergasii itti gaafatamummaan isatti kennama, fakkeenyaaf bulchiinsa mana barnootaa. Isaa fi namoonni isa waliin jiran kana keessatti ni fashalaâ€™u (ni kufu). Buâ€™aan kanaa sababa namni isaan tooâ€™atuu fi wanta faaydaa qabu isaaniif dhiyessu hin jirreef namoonni kana keessaa bahu.

***Barsiisaan murtii dogongora irratti kennu keessatti dogongoruu dandaâ€™a** namni tokko yommuu dogongoru murtii isaaf hin mallee isarratti dabarsuun buâ€™aa badaa fiduu dandaâ€™a. (Fakkeenyaaf adabbii guddaa akka adabamu isa taasisa. Sababa kanaan namni kuni ykn baratan kuni barnoota ykn qaraati ykn Islaama qabachuu dhiisee deema.)

***Haala namootaa osoo hin ilaalin sirnaa fi qajeelfama kaaâ€™uu** baratan barnoota irraa hafuu dandaâ€™a. kanaafu, barsiisaan jabeenya isatti dabaluun isarraa hin miidhagu. Dargaggeessis jabeenya kana baadhachuu waan hin dandeenyeef Islaama qabachuu dhiisa. Ergasii barsiisan ykn guddisaan kuni gocha isaatiif garmalee gaabba. Wanti isarra jiru nama kanarratti murtii akkanaa dabarsuun dura aqlii isaa beeku qaba. Ammas, akkamitti akka isa waliin wali galuu fi hamma murtii kana itti fudhatu beeku qaba. Kanaafu, dogongorri namaa gargar taâ€™uu waan dandaâ€™uuf wanta namni hundu ittiin

adabamu beeku qaba. Tarii nama kana waqqasuun ni fayyada, nama kaan immoo isaan oodun, nama biraa immoo dhaabun, kan biraa immoo gocha tokko akka hin hojjannee dhoowwun taâ€™uu dandaâ€™a. garuu osoo garaagarummaa namootaa hin ilaalin seera murtaaâ€™a tokko kaaâ€™un, fakkeenyaaaf nama barnoota irraa hafe adabbiin isaa kana, namni kana hojjate adabbiin isaa kana yoo jedhe, kuni barsiisaa iddoa ulfaata keessatti isa galchuu dandaâ€™a. sababni isaas, namni hafuu dandaâ€™a, garuu adabbiin kuni isaaf hin malu. Adabbii duraan murteesse hojii irra yoo oolche dargaggeessa kana waliin rakkotti seena. Yoo hojii irra oolchu dhiise immoo hiriyyoota isaa waliin rakkotti seena.

***Adabbii keessatti namoota gurguddaa fi xixxiqqaadaddaan baasu dhiisu-barsiistonni gariin gama xin-sammuu (psycology) dhiisu dandaâ€™u. namni umriin guddaa taâ€™e dogongoruu dandaâ€™a, namni isa tooâ€™atus isarratti gara-jabeessa taâ€™uu dandaâ€™a. Hiriyyoota isaa umriin isaa gadi taâ€™an fuunduratti waqqasa. Waqqasaan kuni buâ€™aa baa dargaggeessa kanarratti fiduu dandaâ€™a.**

Fakkeenyaaaf, baratan umriin guddaa taâ€™e barnoota irratti argamuu irraa ni barfata., isaanii fi inni wal qixa akka taâ€™an agarsiisuuf tooâ€™ataanis hiriyyoota isaa fuunduratti waqqasa.

Namoota gurguddoo keessaa namni tokko seenaa kana natti hime. Gareen dargaggoota gara naannoo tokkotti deeman. Namni isaan tooâ€™atu â€œeyeroon kuni sagantaa akkanaatiifâ€¢ Jedhee murtii dabarse. Garuu tooâ€™ataan kuni gareen dargaggoota murtii kanatti akka hin bullee ni beeke. Isaan keessaa dargaggeessa yuniversitii seene tokkotu ture. Tooâ€™ataan kunis isaan irratti murtii adabbii dabarse. Murtiin adabbii kunis haala nama salphisuu fi kolfisisuun karaa irra isaan dhaabudha. Dargagooni umriin xixxiqoo taâ€™an murtii kana hojii irra oolchan. Dargaaggeessi yuniversitii seenee kuni immoo akkana jedhe: Osso marsaa kana irra dabartee.â€¢ Tooâ€™ataanis ni dide. Kanatti akka isin hin dirqisiisne ni yaale. Garuu tooâ€™ataan ni dide. Wanti dargaaggeessa kanarraa argame ajaja namticha kanaatiif buluu dide, garee kana ni dhiise. Sababa kanaaf naannoo san gadi lakkisee deeme.

Dargaggeeyyi keessaa namni tokko akka natti himeetti, dargaggeessi tokko boâ€™oo walaloo dubbisuu waan dideef barsiisaan akka isaan oodan murtii dabarse. Adabbiin kuni dargaggeessa kana karaa irraa jallisuuf sababa taâ€™e oole.

Nan yaadadha, dargaggeessi tokko kaampi keessa ture. Namoota salaachisuuf fajrii dura hirribaa kaâ€™e. Garee dargaaggoota ni arge. Hayyama tooâ€™ataa (halaqaa) malee dargaggoota kanniin fuudhee deemen. Namni kuni hanga dargaggeessi aaqilli kuni konkolaataa ofii sochoosu fagoo irraa ilaala ture. Ergasii konkolaataa isaa dhaabsiisuun haala gara-jabeenya irraa bilisa hin taanen barattoota konkolaataa irraa buuse. Keessi dargaaggeessa kanaa ni tuqame. Sababa kanaan garee kana dhiisutti dhiyaate. Kana yommuu jedhu dogongora dargaggoota kanaa hunda nan mirkaneessa, adabamuu isaanii fudhachuu nan dida jechuu miti. Garuu akkana jedha: yeroo sirrii fi adabbi sirrii filachuun dhimma hafuu hin qabneedha. Fakkeenyaaaf dargaaggeessi salaataaf gara masjiidaa deemee fi dargaggoota garii of waliin qabe kuni, dirqamni tooâ€™ataa irra jiruu addatti isa baase isa dubbisuu, dogongora isaa isaaf ibsuu fi lamuu wanta akkanaatti akka itti hin deebinee waadaa seensisuudha. Yookiin immoo dargaggoota isa waliin jiranitti akka hajamu, sagantaa irratti argamuu akka qaban, barfachuu isaaniif akka sodaatu fi kanneen biroo sababeefachuun isaan buusu dandaâ€™a.

Min Akhbaaril Muntakisiina maâ€™al asbaabi wal ilaaifiuula 53-54

Date Created

December 28, 2020

Author

admin